



UNIVERSITÄTS-
BIBLIOTHEK
PADERBORN

Universitätsbibliothek Paderborn

Exercitium Divinum De Praesentia Dei

Arias, Francisco

Herbipoli, 1612

De Aspirationibus, orationibusque iaculatorijs attinentibus ad viam
Purgatiam. Cap. IX.

[urn:nbn:de:hbz:466:1-50314](https://nbn-resolving.org/urn:nbn:de:hbz:466:1-50314)

72 FRANC. ARIAE EXERC.

nisi vna pro qualibet via; tamen, si crebrius magno affectu iteretur, sufficiet ad capiendum huius sancti exercitij fructum. Facile autem poterunt è memoria recitari, si sapius perlegantur & repetantur.

DE ASPIRATIONIBVS,
orationibusq; iaculatorijs attinentibus ad viam Purgatiuam.

C A P. IX.

ASPIRATIONES conuenientes viæ purgatiuæ sunt hæ: Domine Iesu Christe, Deus meus & Saluator meus, qui ad saluandos peccatores in mundum venisti, ignosce mihi, & salua me. O Deus meus, quid agam? quid dicam? peccaui coram te, & contra te benignissime
me

me creator, & dulcissime redemptor, miserere mei Domine. Agnosco Domine scelera mea, ea tibi confiteor, condona illa. Destitutus sum, Domine, omni pietate, vilissimus & infirmissimus peccator sum, nihil sum, nihil ex me valeo, adiuua me Domine, & miserere mei. Utinam, Domine, nunquam te offendissem. Utinam nunquam ad iram prouocassem. Utinam, Deus, semper voluntati tuae obediuissem, & sanctis tuis inspirationibus satisfecissem. Remoue à me, Domine, quicquid tibi displicet in me, & mihi nocet. Propono Domine, me, adiuuante tua gratia, te non amplius offensurum, occasionesque delinquendi vitaturum. O pijssime Iesu, miserere mei miseri & abominandi peccatoris. Indignus sum à terra
D **susten-**

sustentari, & me suscipe per tuam misericordiam ac sanctissime vitæ, passionisque tuæ merita, nec non ob benedictæ Matris tuæ Sanctorumque omnium intercessionem. Omnia scelera, & negligentias vitæ meæ, quæ sunt innumerabiles, & grauissimæ conijcio in tui immensi amoris flammam, & infinitam misericordiam tuam abyssum, in sacratissima tua vulnera, vt in ijs consumantur, mihi que pœnitentiam iniungo. Laua me, Domine, tuo preciosissimo sanguine; quia vna gutta illius sufficit ad saluandum totum mundum. Sana me ab omnibus plagis meis, quia tu es fons salutis. Sanctifica me auctor sanctitatis. Deus meus, largire mihi sanctum iudiciorum tuorum timorem. Concede mihi, bone IESV, dolorem & odium

gratiæ

grande de peccatis meis. Da mihi odium mei ipsius. Da, dulcissime mi Saluator, robur ad mortificandas meas passiones. Da mihi, vt rectum iudicium de me feram. Da, vt seuerè à me exigam pœnas, ad satisfaciendum iustitiæ tuæ. Da mihi, Saluator, vt quamcumque pœnam, tribulationem, contemptum libenter recipiam in satisfactionem pro meis delictis. Da, vt potius eligam mori, quàm peccare. Da, vt non modo timeam, fugiamque peccata grauia, sed etiam leuia. Da mihi firmissimum propositum non amplius peccandi. Da mihi gratiam perseuerandi, pœnitentiam tota vita mea agendi.

